



Benita Zahirović

08.03.2026. 16:37

Pogledano: 337 puta

## Čitanjem do boljeg izražavanja

Časovi su bili nešto drugačiji u odnosu na dosadašnje pripreme za pisane vježbe – kroz čitanje se zapravo vježbalo i dobro pisanje.

### Čitanjem do boljeg izražavanja

#### Tags

Učenje jezika

Aktivnosti sa učenicima

Razvoj govora, komunikacije i stvaralaštva

Kompetencija pismenosti

#### Organizacijski oblik nastave

Predmetna nastava 7. razred

#### Vrsta nastavnog procesa

Osnovna vrsta nastave - Redovna nastava

#### Suradnja škole sa roditeljima i zajednicom te razvoj školskog kolektiva

Aktivnosti sa učenicima

#### Trajanje

2 časa

#### Oblasti

Jezičko-komunikacijsko područje

#### Predmet

BHS jezik i književnost

#### Ključne kompetencije

## **Ciljevi i ishodi učenja i poučavanja**

### **Cilj časa:**

Cilj je da učenici razviju sposobnost pažljivog čitanja i razumijevanja pročitano, te da dodatno unaprijede elemente usmenog izlaganja/prezentovanja.

### **Ishodi:**

### **Čitanje:**

1. Analizira strukturu različitih tekstova i većih dijelova teksta i utvrđuje kako se odnose jedni prema drugima ili prema cjelini.

### **Usmeno izražavanje i slušanje:**

1. Učestvuje u razgovorima, postavlja pitanja i odgovara na njih i sarađujući s različitim sagovornicima (jedan na jedan, u grupama, s nastavnikom), izražavajući svoj stav o temi i poštujući pravila jezičkog bontona.

## **Detaljan opis realizacije**

### **PRVA AKTIVNOST:**

**Analiziramo sastav pisan na prethodnom času, dio po dio - uvodni i glavni dio**

### **Metod grupne analize i sinteze**

Grupe međusobno mijenjaju sveske. Čitaju sastave, komentiraju, usmeno koriguju.

Dajem im zelene kartice koje služe za procjenu rada (tabela u nastavku, fotografije u prilogu).

Po završetku analiza, imaju vrijeme za reviziju. Pregledaju, uređuju tekstove...

**OVO JE NAJVAŽNIJA AKTIVNOST.** Ovdje učenici pokazuju najviše – da li su u potpunosti razumjeli i izvršili zadatak, kako su vrednovali i da li su znali korigovati ono što se pokazalo nedovoljno dobrim i/ili pogrešnim. Najvažnije je ne zadržati se samo na komentaru – šta nije bilo dobro, nego odmah i korigovati. Tako su učenici naporedo komentirali i zajednički uređivali tekst, ponavljali (pravopisna) pravila, razrađivali temu, stilski oblikovali...

## **DRUGA AKTIVNOST:**

### **Ocjenjivanje radova i obrazlaganje ocjene**

#### **Metod izgradnje kriterija za ocjenjivanje**

Na osnovu odabranih zelenih kartica, učenici ocjenjuju sastave drugih grupa. Svoje ocjene obrazlažu kriterijumom koji su zajednički postavili.

## **TREĆA AKTIVNOST:**

### **Samoprocjena**

#### **Metod samoevaluacije i međusobne evaluacije**

Učenici procjenjuju koliko je ko učestvovao u grupnom radu. Sami smišljaju i dodjeljuju “etikete” članovima unutar grupe. Pomažem im u formulaciji opisa naziva.

## **ČETVRTA AKTIVNOST:**

### **Povratne informacije o časovima**

#### **Metod evaluacije**

Učenci izvlače kartice iz koverta. Na nekima je potrebno odgovoriti punom rečenicom, na drugima zaokružiti, dopisati, nacrtati...

## **PETA AKTIVNOST:**

### **Promocija**

#### **Metod javnog nastupa**

Skupili smo radove, u improviziranu knjigu, odabrali predstavnike grupa, i napravili ekspres promociju.

Učenci su promovirali svoje radove, s posebnom pažnjom na zaključcima koji proizlaze iz napisanog.

### **Potrebni resursi**

Papiri u koloru

### **Praćenje i procjenjivanje**

#### **Praćenje napretka djece i efikasnost provedenih aktivnosti**

1. Analiza i revizija – naglašeno i objašnjeno već u pripremi – najvažnija metoda. Kroz analizu i reviziju su pokazali da znaju urediti tekst kako bi zadovoljili kriterije. Ovdje treba naglasiti da učenici nisu na ovim časovima apsolutno poboljšali svoje pisanje niti se to od njih očekivalo (jasno je da je to dugotrajan proces, koji je usko vezan, odnosno neodvojiv od procesa čitanja – na tome moraju i sami raditi) ali su, sa sigurnošću mogu reći – napredovali. Shvatili su šta jedan pisani rad treba nužno da ima i o čemu trebaju voditi računa. Sada im je jasnije šta se vrednuje prilikom ocjenjivanja radova, i to će im biti dovoljan vodič.

2. Refleksija i povratne informacije – samoevaluacija, međusobna evaluacija (peer review), i povratna informacija o aktivnostima: otvoreno je ukazano na ono što je dobro usvojeno

(anonimnost je doprinijela iskrenosti i objektivnosti) i učenici nisu istaknuli ništa da je ostalo neobjašnjeno ili nejasno.

3. Prezentacija radova – imala sam uvid kako učenici napreduju u svojim govorničkim i prezentacijskim vještinama. Sposobnost da svako od njih iznese zadatak cijele grupe – pravovremeno, samopouzđano i tačno – ukazuje na napredak u vještinama komunikacije, ali i otkriva tačnost izvršenih zadataka, tj. razumijevanje gradiva.

### **Ideje za domaće zadaće (nastavak aktivnosti) i uključivanje roditelja** **Metod istraživačkog zadatka, metod kreativnog zadatka**

Zadaća je bila da učenici istraže u knjigama i na internetu ko se bavio temom 'pisanja'. Trebali su izdvojiti najljepše citate i napisati ih na ukrašene listove papira – njima smo ukrasili kabinet Bosanskog.

Jasno je da kroz ovu jednostavnu vježbu učenici neće usavršavati vještine pisanja, ali ona ima važnu motivacijsku vrijednost – navodi na razmišljanje o samom procesu pisanja, budi kreativnost, otvara slobodu izbora i razvija lični odnos prema izražavanju kroz pisanu riječ.

Prijedlog: Učenici mogu sami osmisliti citate o pisanju.

### **Savjeti za druge nastavnike/ce kod realizacije ove lekcije/teme**

1. Evaluaciju je bolje, kako bi bila što relevantnija, uraditi nakon svake provedene aktivnosti, ili eventualno nakon svakog časa. Desilo se da zaborave koje su aktivnosti imali tokom ta četiri časa, pa se uglavnom referiraju na posljednji čas.

2. Kada učenici ocjenjuju radove drugih učenika – dobro bi bilo to prvo uraditi napismeno – odložiti olovke i onda pročitati ocjene – desilo se da jedni drugima „vraćaju“ ocjene ukoliko nisu zadovoljni, tj. bivaju ponekad subjektivni (ne svi, ali uvijek se nađe pokojni učenik).

### **Metode i tehnike**

Metoda razgovora

Vođeno čitanje

Metoda rada na tekstu

Metoda usmenog izlaganja

## Collections

Priprema za čas - Osnovna škola

Step by Step preporučuje

## Prosječna ocjena

5